

四庫全書

史部

欽定四庫全書

欽定八旗通志
卷一百一十五
吏部

欽定四庫全書

欽定八旗通志卷首之三

天章三

皇上御製詩一

大閱

時狩由來武備修
特臨南苑肅貔貅
龍驤選將頗兼牧
天駟掄材驥共驅
組練光生殘雪映
旌旗影動朔雲浮
象平詎敢忘戎事
經國應知有大猷

大學士福敏久未入直為賦長句賜之

為憶傳經開絳帳還教贊化入黃扉精神秋水原無滓
氣象光風却久違武相只今勞杖履文丞應即整裳衣
喜逢長至晴和候待步金門暖日暉

四月九日為怡親王誕辰作此賜之

朱邸恩暉永銀潢瑞靄浮舊勲存柱石遺緒屬弓裘詩
禮崇芳範公誠勵遠猷喜逢添算日花滿鳳麟洲

題唐岱山水幅

天際新螺翠欲浮坐來九夏似深秋巖腰古寺開青障
渡口欵橋鎖碧流清籟吟空金氣肅寒鴉歸樹暮烟收
丹青妙處誇生動每對溪山一為留

賜大學士鄂爾泰

早年勲績振南蠻黃閣論思久任艱五載憂勤肩燮理
兩朝寅亮首清班允期舟楫川同濟何啻門庭水一灣
申甫蕃宣周碩輔數予惠澤滿人寰

賜大學士福敏

元老由來衆所儀巖巖班列帝王師每當咨治披香日
恰似談經絳帳時入贊經綸常補闕退朝劍佩自委蛇
兒行學始循佔畢啟導重勞下講帷

賜內大臣常明

禁藥宣勞久恩隆志愈虛潔身正羣僕扈蹕典周廬每
以嘉謨告因知丹悃攄清時無折檻不用叩階除

賜和親王

桐圭傳錫慶棟夢喜連芳樂善輝編簡維城佐廟廊允

堪稱玉葉不愧表銀潢嘉爾抒丹悃承恩並日長

賜怡親王

屏藩重寄賴宗臣夾輔宣猷翼紫宸盡職從知忠蓋切
好書猶見性情醇銀潢派裏圭璋器花萼樓前雨露春
善體貽謀須黽勉永承惠澤篤親親

賜大學士查郎阿

玉陛資調燮西陲運計籌持鈞惟舊德補袞著嘉猷可
繼蕭曹業還同韓范儔江湖與廊廟莫釋一心憂

賜工部尚書來保

卿月光華燦廟廊分曹布理賴匡襄訓垂虞典天工亮
職列周官地利詳誠懋允堪昭倡率訐謨時切贊平康
老成自合叨榮澤常領清班駕鸞行

命婦索綽羅氏年一百三歲矣其子孫皆多壽五

世一堂信人瑞也萬壽節扶掖入見喜而有作
淑範能修四德賢飲和猶占萬民先百齡瑞慶傳都下
五代孫曾繞膝前天上拜恩雨露人間不老即神仙

更期壽世多黃耄共樂昇平大有年

題唐岱做各家山水畫冊

萬柳含烟

宿雨朝煙二月時輕黃嫩綠一絲絲却教少婦愁添乍
無奈王孫歸意遲寧地欲迷芳草路因風時弄小腰支
扁舟刺處春何許蘼影如油上下宜

萬頃恩波

浩渺含太虛一色琉璃影畫師創新格恩波圖萬頃故

知寓意深筆諫吾須領惟予牧萬民馭朽恒自警或理
有壅蔽或政過寬猛或民怨飢寒或時有災眚慮澤不
下逮中心常耿耿披圖鑑已切愈以發深省

萬笏朝天

遠山插笏曾無數黛色參天正近秋最愛茅菴坐清晝
琤琮常聽瀑泉流

萬松疊翠

王蒙真蹟無半紙妙處何人得神髓尺圖重寫萬松真

生面蒼蒼喻非指勁幹蟠拏偃蓋高虬龍深夜因風號
緬想山中高卧客柴扉靜掩聽寒濤

萬點青荷

清和風景別桂棹漫開船傍岸試新屐沿波疊小錢因
風時泛泛映日故田田極目蒼茫外琉璃破曉煙

萬林秋色

黃葉紅葉綺錯山色樹色霜勻不必詩誇小杜恍疑人
在三春

萬壑祥雲

萬壑祥雲滿千林瑞色籠可堪廊廟見只合畫圖中

萬水朝宗

君不見廬山瀑布三千尺萬古銀河倚天碧又不見龍門初闢神禹功九曲滔滔終向東是知觀乎海者難為水披圖更悟其中理琤琮萬派皆朝宗澗壑淵渟清且泚我獨悠然吟興豪會心在此原非此

萬竿烟雨

有猗者竹在彼渭川乃含宿雨乃帶朝煙其色維何非
嫵非妍其音維何非管非絃有客坐對羗民之先其屋
何有四壁蕭然其手何持道德一編逸民也歟吾何得
而致焉

萬峰瑞雪

漫空飛玉屑插漢列瓊瑤寒澁溪流斷冰凌楓葉凋石
磯閒釣艇古寺閉僧寮有鳥巢枯樹無人過小橋皚皚
迷萬壑密密布三霄滕六分明在雲深不可招

賜總河高斌

禹功萬古仰平成疏濬隨時賴俊英
淮浦建牙資保障黃流奏績久澄清
息機早是無穿鑿順性猶然矢樸誠
潘靳嘉猷編簡在明潘季馴本朝靳輔皆能治河者千秋惟爾繼賢聲
過水東邨怡賢親王瑩有感而作

一德叨

恩寵宗臣事業恢敬誠

天語定明達性根來長想功垂冊徒傾酒滿杯
依遲傷

物化况復謁

陵迴

賜尚書那蘇圖

分署列西曹明刑重任操體予欽恤意嘉爾匪躬勞劔
佩環宸極綱維領俊髦好生前訓在師法是皋陶

吾弟和親王誕辰詩以壽之

華萼同枝氣本親
鵠原分豈隔君臣
顧予作后多乾惕
知爾維城亦苦辛
緬想飛觴桃李下
已看流駛歲時頻

喜逢綵縷添長算立字母忘望汝純

弟亦三十歲故云

唐岱倣郭熙山水

丹巒翠峯萬重深古寺疎鐘度遠林最愛河陽瀟灑處
濛濛雲氣濕衣襟

聽唐侃彈琴

蕭森梧竹含秋清銀狎吐篆縈風輕虛堂萬籟俱聞寂
唐侃琴操鏘鏘鳴一彈再撫餘音杳松風水月襟懷渺
孤鶴橫空唳一聲絲絲弱竹喧羣鳥

將軍塔爾岱久著勤勞養年私第今聞朕出口行
圍不辭勞瘁而來詩以賜之

百戰歸來矍鑠身凌烟姓氏竟誰倫養閒合適林中趣
憐爾仍隨輦後塵赫奕虎符叨寵舊輝煌竹簡紀功新
為詢閱歷疆場事幾度聞之屢念頻

賜總督高斌之任

淮揚底定早垂勲節鉞新開紫氣分自是經綸方藉展
可知魚水正需殷人言久慶江南雨物望應歸冀北雲

保障繭絲須識取編氓一路頌聲聞

相馬歌賜來保

伯樂善相馬車下老驥出今豈無其人來保稱第一曩

時有黃海

國朝善相馬者

親授相馬術謂不相其皮亦莫稱其

力心端德自優萬中無一失天閑雲錦羣一顧靡不悉

為余辨驪黃六飛協安吉此術固云美相人亦可則况

茲居八柱亮采汝所職勉此空冀心佐予敷九德

致仕禮部侍郎銜內務府總管丁皂保年九十矣

朕每進宮必入朝請安矍鑠如昔詩以賜之

舊日春卿貳清時萬石君目光猶奕奕衷赤尚勤勤樂
易故應爾忠良衆所聞泰平無戰伐馬援漫從軍

未解彭佺術曾將灌絳齊林泉應樂齒珂馬尚聞雞菊
水無湏井丹霞自有梯所期職植衆難老摠眉梨

大學士福敏七十壽辰詩以賜之

前世文昌宿當朝王者師典型鶴鷺序標準鳳凰池有
問鳴鐘應方瞻霽月披耆年緣令德初度值良時堂敞

槐陰茂筵開日影遲春風坐綺席仙酒介厖眉允賴經
綸手猶踈弟子儀壽身無壽世長佐太平基

唐岱谿山雪霽圖

薰風釀暑吹楹欄黃沉綠浮堆冰盤揮扇那能却炎氣
淋漓梅潤蒸齊紈忽展谿山雪霽圖文筵六月三冬寒
玉屏瓊樹數千里中有村舍非人間凍峽掛珠流不得
漁磯彷彿富春灘唐岱筆法老尤勁鼻祖摩詰追范寬
試供病渴人清覽何須熱惱愁長安

賜定邊左副將軍超勇親王額駙策楞

舊日殊勲定月支維藩今復寄邊陲每因章奏知忠懇
却為賢勞費解推土拓不誇戎馬績烽銷常慰廟堂思
漢家定遠何須道方識前猷萬載垂

淮揚一帶連歲被水黎民阽危用遣高斌前往賑
恤兼求疏濬之方瀕行詩以賜之

負宸奉三無垂衣御四陸殷殷何所念所念惟蒼黎祈
年僅宵旰惟願晴雨時安得海宇間比戶足食衣百姓

敦親睦農桑樂雍熙圓蓋蔭仁恩邇來無征輦若獲歲
屢豐教化或可期乃者淮揚郡澤國古若斯年來多水
災黎民困阻饑餒宣勅大吏補救賴有司瘡痍尚未起賑
恤宜早施蠲租並截漕疏流兼護隄凡百區畫方實藉
衆力為吾恩汝其布吾民汝之兒何以淪異漲化為杭
稻畦何以拯蒼黔免彼溝壑危予憂爾其釋爾勞予應
知免爾經綸策慰予饑溺思

賜江南總督尹繼善之任

淮沛今何似災餘不忍言
邇來闕二輔誰與辨三殮敢
靳司農帑還祈大造恩
當春應舉趾積潦尚留痕
民瘼遐觀在心憂夢想存
勉伊經畫策為我活黎元

賜河南巡撫雅爾圖回任

鳴珂辭魏闕迴轡指中州
借爾丹誠罄俾予愷澤流
農桑圖治本保障為民謀
敷政何居要端惟不競綽

春日同誠親王和親王遊宴御園作

偶乘芳候遣幾閒樂事天
倫禮法刪春半園葩開笑
靨

雨餘山翠濯烟鬟風經錦塋香猶細鶴步蘭皋篆欲斑
却喜綠塍千頃潤稍紓雲漢賦民艱

雨歇芳林萬綺紛緣溪紅映碧波文欣浮桂舫同追景
何異芸齋共樂羣百和濃香薰豔卉數峰輕縷帶歸雲
今年膏澤叨靈貺敢懈祈年夙夜勤

聽唐侃彈琴

仙籟

琴名

平張梧几橫澄心試聽指絃聲古風猶見巢兮

燧哇律都刪琶與箏蟠蓋幾株吟韻謾垂虹百尺掛川

晴愧予未解南薰愜領取春風和且平

朱倫瀚指頭畫松陰橫琴圖

抱琴松下來獨坐聽流水聲不在絲桐却在心與指
輟轡蒼龍枝清泉流其下無為調適人橫琴一為寫

康親王七旬壽辰詩以賜之

佳辰欣降嶽伊古重維城寶籙繇遐算宗潢尚老成周
弧懸夏令壽酒介春觥難老期臣庶深情況父兄河間
曾有獻柱下不徒彭帶礪河山永千秋與國榮

題唐岱山水便面

嘗聞名山有旦評可覽不如可遊妙可遊復不如可居
繪林想亦同茲道唐岱筆法老尤健雲烟澹染秋山照
縛茅蝸舍據佳勝寒江堪弄巖公釣峰容樹態總天真
碧蘿蒼石歸詩料猶疑谷口籟作時瑟瑟于喁號萬竅
是中應有肥遯人召以蒲輪頭屢掉豈似北山隱仕流
移文徒惹稚圭誚

工部侍郎德齡有賢母詩以賜之

治身勤四德教子勗三遷樂易斯長壽令聞乃大年封
柑曾著潔畫荻舊稱賢彤管芳規在千秋耀簡編

題唐岱秋林讀易圖

窓含平楚千章翠戶對疎峰萬笏青風散日暄秋色好
由來大地是義經

賜塔爾岱

奔走戎臣職憐伊老更慙旌門仍扈蹕冊府久書勲但
識旗堪奪那知筆可耘成詩還譯告兩字表忠勤

賜奉天將軍額洛圖

留都開幕府撫鎮更旬宣古重維桑地今成秉禮塵扈
陪依豹尾晉謁領鵷聯大樹甘棠並芳聲莫讓前

酌克勤郡王園寢

開國承家日于藩夾輔資一時扶王業四海定丕基懿
德書金匱佳城奠玉卮銀潢天共遠百世篤宗支

酌功臣額亦都墓

坐享八紘泰寧忘百戰功佐周曾有望興漢不徒馮金

簡香生綠椒漿玉瀉紅蓋臣陪祀事式紹乃家風

開國佐運勲臣武勲王揚古里直義公費英東弘
毅公額亦都墓在

二陵之間松楸相望猶見當日

君臣相得之概感而賦此

庠池麥飯共艱辛想像

當年魚水親何必大風思猛士林林扈蹕有宗臣

題唐岱山莊春曉圖

水淨碧溪天淨空遠峰濕翠尚濛濛柴扉不啟窓帷捲
桃柳一川烟雨中

大學士鄂爾泰去冬有手足不仁之症入春尚未
痊可昨具疏乞休既不允其請詩以慰之

黃閣絲綸寄明廷鷄鷺儀長期與壽國偶爾用求醫彌
月心頻繫方春候漸宜股肱人有藉參朮效偏遲玉蕊
爭輝夜銀牋膚韻詩

新春與大學士張廷玉及內廷翰林等小宴重華宮有聯句思賢輔

之當歡勞耿耿簪紱漫先辭

命慎郡王寫盤山山色口占詩以贈

吾叔詩才素所知於今學畫畫尤奇
同來勝地寧無意為寫山容更詠之

題慎郡王山水即用其韻

好山欲斷雲與連見在天成古寺邊
今日坐叅相應處底須蠟屐破蘿烟

想是白蓮社裏迴裙腰綠潤步蒼苔
柴扉半掩雙桐靜畢竟應叅孰去來

臨故大學士鄂爾泰第酌酒

青宮德義傳黃閣股肱臣永賴調元化何期作古人百
僚失矩範十載憶忠純適去空騎尾悲來底忌辰嘉猷
人盡識

昆命我須遵

雍正十三年
學士配享

皇考遺詔以大
太廟朕弗敢忘

國有旌

賢典欽哉步後塵

聽唐侃彈琴

虛堂赤夏清風生炎官遠徙秋爽凝松濤竹籟禁不語

惟有唐侃琴韻鏘鏘鳴愧我曾無撫琴指不解琴音會
琴理宮商之外太古心成連伯牙乃所以

題慎郡王水閣叢篁圖

飛流界青山散作鳴琴澗虛軒架其上烟雲朝夕變洞
口鎖籜簌案頭陳筆斫攜客策短筇指點喬松畔縱賞
固已佳忘言良復善

題唐岱倣王蒙山水圖

形似休論刻楮工誰能牛目辨顛翁臨平秋色知何許

王蒙粉本蓋圖
臨平秋色也

只在楓丹荔白中

賜直隸總督那蘇圖

滹水松山六御臨觀豐稍覺慰予心
王畿千里民惟止保障一方汝尚欽要識

天庥承處幸應須農事靜中尋連塍二麥
芄芄綠漫使馳驅恣羽林

五弟稽古齋全集刻成進覽即事書懷

華編成秩秩謙度出遲遲

余與弟皆以雍正八年薈萃
所為詩文定稿而樂善堂全

集刻於乾隆丙辰弟至今歲始刻
全集即此謙冲朕實愧賞弗置
稽古得精粹由中不

蔓枝清辭淡以遠豪筆興而奇
恍憶晴窗永埵篴唱和

時集中諸作舊時日課同題者居大半

善琴者唐侃村居西山下是日過其廬因題

百戰歸來志未磨

唐侃旗人也隨大將軍費揚古出征昭木多頗有功在軍中猶以琴自隨

至雍正年間始賜副都統銜予告家居

卻耽小隱意如何
臨泉興寄倚蘭

操築室情同安樂窩
幽賞漫隨孤鶴去
劇談常喜野人過
一揮應令四山響
覲面真師薶益多

香山聽唐侃彈琴

聽琴蓋如對高士必有其地與其時金風玉露新秋序

時七月朔日

谷深林靜香山陞我知妙處不能寫其能寫者

舍侃誰村居隔五里以近抱琴而來何不宜為我作高山噫吁嘻巍乎高哉嶮且崎為我作流水徒觀其狀也

則湯湯蕩蕩渺復瀾忽然觸景貌秋鴻

是日彈此三曲

遵渚遵

陸羽可用為儀平生不識宮與角其理或可推而知弭節沉吟以構思乃如絳州才子覆被無語尋新詩鏗然

奮發千鈞弩又如重瞳喑鳴叱咤千軍之中能塞上將
旗神來候也非人力我欲贊之乃不得其辭幼讀孔子
書記其說闕睢曰樂而不淫哀而不傷善琴者當有會
於斯是為太始正音堪味道世間箏琵琶笛筑徒爾為

題慎郡王山水小景十二幅

梅溪

幽夢到羅浮春風入落蕾虛舟本無繫泛此香雪海

桃塢

白屋幾家靜紺霞萬樹春不教花逐水恐引問津人

春泛

前溪新水生後溪烟柳橫來往東風裏心隨一葉輕

觀瀑

飛流落危峽凭欄俯平楚天地不藏機色聲無著處

雲嵐

千章樹影濛萬疊山容活妙領米南宮此間得衣鉢

賞荷

朗開徵士牖閒對君子花霞標徵瑞露鏡裏吐天葩

山寺

棒喝臨濟宗幽寂雲門寺青鞵布韞來知復誰家子

梧月

古月不速客高梧有脚秋鶴夢清宵冷幽人正倚樓

霜鴻

攜得塞垣霜書空三兩行蘆花眠不穩却為憶衡陽

紅葉

錦樹經秋絢如燃不著枝相對停車客司勳字牧之

雲棧

劔關天外矗磴棧雲中繞誰復嗣青蓮抽毫吟蜀道

雪溪

天沉玉峰外蘆重凍溪邊破冷方蘭棹惟應訪戴船

賜尹繼善回江南總督任

熙績匪獨能亮工資羣彥詞林擅卓犖封疆推老練簡
畀淮海區奏成佇底奠保障財賦地繭絲非所羨去歲

吳淞災波臣勢方扇每念幸活民玉食不能噉賑濟救
燃眉其何籌久宴安民首察吏瘁惡亦彰善設誠物乃
孚逞明終必眩

安徽巡撫納敏陞見入京茲以東巡扈駕便道遣
赴皖任并賜以詩

屬車扈從轡如琴敬慎還同在羽林廩和底多誇藻采
納敏頗能詩是行凡令隨駕
諸臣廩和之作彼亦和之
要須識我愛民心

賜傅恒經畧金川

壯齡承廟畧一矢靖天狼
番部最爾蠢王師武必揚
慰予西顧久嘉汝赤心良
捷伐救么寇撫循集衆長
斯能成偉績用幹不庭方
佇看銷兵氣敷天日月光

孟冬上旬於瀛臺賜經畧大學士傅恒及命往蜀
西諸將士食并成是什

大清聲教暨遐陬豈有來王稽
蜀酋蹟武開邊非我志
安良禁暴藉卿謀行軍吉值
初陽復賜食恩同湛露流
轉瞬明年擒娑虜還教凱宴
侑封侯

南苑行宮晚坐憶經畧大學士傳恒

依然庭宇靜，竭爾研畝閒。一室澄心處，兩年睫眼間。

南苑

未至蓋衝寒懷碩輔，此際歷重關。所願明天討，成功指

日還。

經畧大學士傳恒舟渡蜀江賦詩呈覽用其韻荅

之

若濟常殷擬，巨川平羌今。復率師前行，旌冬發真勤瘁。

露布春傳此，佇延遙度應。臨滴博壘底，教稍遲去聲蜀江。

船四川驛站所辦不協故稍遲行程數千里外寧睽隔心在丹楓玉馬

邊

大學士傅恒經畧西川效忠宣力誅渠魁破堅壘
申明紀律大振軍威番酋窮蹙乞命經畧大學
士銳意蕩平未允其請朕宏解網之仁下詔班
師召大學士還朝襄贊勞績茂著詩以賜之

安邊底績本丹忠請命番酋勢已窮上將有心期利執
大君無物不包蒙那須一月聞三捷早覺千忻達

兩宮晉國勤勞予僅念速歸黃閣贊元功

鷗鳥何庸盡覆巢好生天地德含包歌成宵雅八章句
著得同人九四爻兵洗蓬婆春淡蕩首稽獬豸面頰
蜀民安撫勤籌畫心契元良泰陞交

經畧大學士忠勇公傅恒率師進勦番酋忠誠奮
發志期殄寇執奏再三朕揆勢度理以允降班
師休兵息民為經國遠計彼匈奴未滅何以家
為者乃粟姚貳師輩武人銳往立功之槩大學

士輔弼元臣抒誠贊化名耀旂常正不必與兜
鍪聞帥爭汗馬一日之績詩以示之

三面姑開格蜀夷來調說鼎佇期之集思廣益卿誠踐
勤遠勞民我不為武豈佳兵應戒彼績惟和衆孰同斯
功成萬骨枯何益壯志無須效貳師

經畧大學士忠勇公傅恒賜第在東安門內迤北
朕命將作為之經理今奏凱還朝適屆落成為
紀一律賜之

粟姚賜第落成新歌凱歸來得意春上將鷹揚今奏績
諸軍鳬藻久懷仁攸芋君子熊羆夢畢駭酋涂匍匐臣
從此坐調熙世鼎敷予教澤萬方均

二月十四日經畧大學士忠勇公傅恒奏報金川
番酋莎羅奔狼卡攜其徒醜相率隨提督岳鍾
琪以二月初五日親詣軍門築壇納款匍匐稽
顙永矢歸誠經畧大學士升帳受降開誠撫諭
遠近番漢官兵觀者數萬衆靡不歡呼忭舞膚

功克奏邊境救寧露布驛聞喜而有作

止戈為武信其然我澤如春經畧宣共喜捷音來玉闕
何殊俘虜自金川番酋路左心傾服軍士行間氣倍鮮
單騎汾陽休比擬都因忠赤格

穹天

經畧大學士忠勇公傅恒奏凱金川率領諸將士
還朝錫宴豐澤園用昭飲至之典即席得長律

一首

卡撒功成振旅歸昇平凱宴麗晴暉兩階干羽欽虞典
六律宮商奏采薇湛露應教頌幕殿甘膏更慶遍春畿
持盈保泰谷同德偃武脩文凜勅幾

香山聽唐侃彈琴

經年唐侃琴音寂好是山深過雨初欲借散懷先屬付
撫絃切莫奏關雎

二十一叔慎郡王生辰詩以壽之

聖祖含飴恩並天追隨與叔正齊肩詠歌尚憶相酬日

向在書憲與叔和韻之作獨多

彼此同交不惑年

叔今年亦四十

好學好文光

譜牒為屏為翰效英賢三陽發歲韶華富介壽還欣福

似川

大學士來保七十壽為是歌以賜之

七十古稀亦常有綸閣中人不多覲叶居然台袞臻黃

耆平生誠謹獲福厚金門朝夕宣勤久鮎背精神尚抖

擻漢萬石君今其友作歌春酒為卿壽詞取易達卿祇

受勉力贊襄予左右

固倫額駙超勇親王策楞壽終詩以惜之有序

額駙在

皇祖時以名藩選尚公主宣力邊陲茂著勞績

皇考授為定邊左副將軍晉爵親王額爾德尼招之役
血戰先登萬衆披靡狡寇為之斂跡朕眷待優隆
額駙彌篤忠藎始終一節允惟懿戚中傑出之良
為王國屏翰於其薨也錫之優卹且命配享

太廟崇祀賢良祠以報殊勲俾衆蒙古知勸復成長律

用誌悼懷

丁年尚主令名聞絕塞宣猷建偉勲不必讀書知大義
每於臨陣冠三軍老成凋謝予憂爾要寄疇咨子克云

命世子成象札布嗣為札薩克盟長
將來亦克勝定邊左副將軍之任云重惜賢藩教脩

廟報功兼以勸忠勤

往清河莫超勇襄親王固倫額駙策楞

靈輿肅肅駐河濱歸殯佳城別塞雲即此始終懷大義

額駙在日曹奏聞
皇考額駙於身歿後仍歸京師合
葬大長公主園寢今其子奏請朕既
允奏并命一切從

儀皆如宗室親王
之例官為經理云

果然卓犖軼前聞中年自是傷哀樂
此日何堪哭戚勲見說漢隍將發引猶教血淚灑三軍

賜健銳雲梯營軍士食即席得句

有序

朕於實勝寺旁造室廬以居雲梯軍士命之曰健
銳雲梯營室成居定茲臨香山之便因賜以食是
營皆去歲金川成功之旅適金川降虜及臨陣俘
番習工築者數人令附居營側是日并列衆末俾
預惠焉

猶憶前冬月雲梯始習諸

戊辰冬月有香山閣雲梯興之作

功成事師

古戈止衆寧居實勝招提側華筵快霽初餽餘何必惜
可以逮豚魚

壽五弟和親王四十壽辰

灰飛緹室應書雲遐算添同刺繡紋邸第良辰欣有慶
天倫至樂貴無文樽持北斗傾紅友詩擬東坡壽卯君
從此每逢開裘歲棣華歌繼九如聞

示山東巡撫準泰

山左前巡憶洊饑吾民疾苦日思之三年休息今何若
莫飾虛觀進頌詞

賜河東總河顧琮

堤遙工簡息洪濤無事常經智不勞泉閘湖垵善潴洩
永期轉漕濟千艘

賜兩江總督黃廷桂

迎鑾衛警蹕建節久旬宣體我勤民德嘉卿率屬賢何
須張錦帳惟喜閱鱗田細駢剛柔俗周諮豐歉年咸中

方有慶虛已自無偏此地人文盛還淳尚旃旃

閩河示總督高斌

澤國民生庶金隄

祖制垂來巡期善守底績貴無為持正裁浮議開誠集
衆思問予何訓示志在五言詩

賜浙閩總督喀爾吉善

巡吳於越使中過恐悞農桑候正和完賦自緣民俗美

不須重勉善催科

今年南巡元江南情逋二百餘萬而
浙省向無逋欠將加恩蠲免本年正

賦三十萬兩
以示獎勵

閱杭州旗兵

承平世恐軍容弛文物邦應武備明已向會稽陟禹蹟
便教浙水詰戎兵羽林舊將今誰是

皇祖駐蹕杭州閱武詩有羽林

舊將分防重之句

七萃材官古莫衡四十年重逢盛典行間踴

躍倍常情

雙忠祠有序

乾隆十五年駐藏都統傅清左都御史拉布敦誅

叛臣朱爾墨特那木札爾其黨羅藏札什率兵助
逆二臣死焉贈以伯爵優卹而歸其喪於京師親
臨奠醊建專祠祀之命曰雙忠並紀以詩

衛藏西南夷極邊入我王化百餘年始猶羈縻後執賁

置兵為守防呼韓

雍正年間始命大臣駐彼
率練旗兵防守準噶爾

蒙古習俗

尚黃教得失視此為轉旋其何小醜背厚澤夜郎自大
輕王臣託詞承平勞物力示之大信休兵屯戍兄虐下
遂無忌更與外賊為率援血人於牙攫財賄中梗驛路

軍書傳

朱爾墨特那木札爾乃頗羅奈之子朕以其父勤勞頗能安輯疆土封為郡王後頗羅奈故伊

襲其父王爵即詭詞請撤駐藏官兵因念彼既以撤兵為請即不從適足以致其疑故如其請自此肆無顧忌戕其兄弟姪荼毒所部遣使通準夷求援旋斷絕郵置軍書不達者旬日二臣覘其逆謀已露遂決計先事誅之

惟時奉命監彼土曰傅清暨拉布敦目覩逆勢日猖

獗炎炎不息將燎原戰守不可兵力弱官軍萬里阻蜀

門國事為重餘度外二人同心利斷金叶知無一生有

九死但期濟事酬深恩朱爾墨特那木札汝來示汝大

義存天無二日爾二日爾忘爾父叨藩翰兇渠稔禍力

已張

去聲

藐視二人何有焉籠中之鳥砧上魚西藏指日

據有全挺身來見忽疑慮潛呼羣醜施戈鋌傳卿直前
扼其臂逆王命者誅無延拉卿拔刀割其脰罪在魁首
無牽連羅藏札付其羽翼走險叫誼承突然桀犬吠堯
各為主蜂屯蟻聚來攘挺吁噫二臣力不逮如歸視死
雙軀捐小醜烏合旋就縛駢首就戮長竿懸逆誅順撫
妖氛靖衛藏萬衆如一言忠臣報主有如此智勇兼濟
誠通天昔每推心今吐氣如披雲霧瞻蒼旻不勞一旅

翦渠寇豈止萬命免沉淪尸祝社祭衆夙志度伸絕域
千秋傳靈輿肅肅歸故里建祠臨奠恩頻宣錫爵賜封
延後世志予哀悼旌勲賢雙忠之氣浩千古雙忠之力
敵萬軍罵賊有似奮常山誘致大異斬樓蘭雙忠蹟畧
傳斯篇他年以待信史編

大學士高斌七十壽辰詩以賜之

早叅黃閣侍金鑾晚覺扶鳩步履難卧理藉卿為保障
成功告我永安瀾讀書未懈平生志益壽何須九轉丹

黃髮皤皤在朝衆勤勞軫念久河干

壽原任大學士龍翰傅先生八十初度

光霽由來衆式觀絳帷黃閣領儒冠身名應擬濟南伏
年德原同沛下桓松鶴作朋還侑酒孫曾繞膝合加餐
還丹益算何須藉兩字傳經永不刊

賜盛京將軍阿蘭泰

出寄干城入侍宸

阿蘭泰在御前侍衛裡行

據鞍矍鑠尚精神東都

留守分明是應令耆英會裏人

阿蘭泰年六十餘而鬚鬢皆白故戲及之

賜吉林將軍傅森

數處開牙盡有名大東坐鎮翼陪京將軍底事無勲勩
累洽重熙值太平

過功臣費英東揚古里等墓題句誌感

橋山柏里鬱相望開國同心想杜房一二盡臣茲扈蹕
逸勤胥及爾寧忘

躬臨酌酒當年事

癸亥初至盛京凡功臣墓皆親臨賜奠

遺奠依然表舊

勞

茲以重來各遣大臣致酌

動我愴然翹望處山陵氣接朔雲高

賜河東河道總督兼署山東巡撫白鍾山

治河以衛民表裏本相因況萃一身鉅其厘萬姓辛寧
當營供奉匪為事遊巡立位官須業名言昔可循

雙烈詩

雙烈詩者例雙忠詩而作也昔駐藏都統傅清左
都御史拉布敦誅叛臣朱爾墨特納木札爾以人
少力微二臣死事然究能鋤元兇而安絕域故臨
奠建祠並有雙忠之詩以揚其勲去歲命定北將

軍班第議政大臣鄂容安駐伊犁時二臣既奏阿睦爾撒納有反志朕命便宜從事庶幾消患未然乃二臣觀望疑慮以致先脫而賊黨反得結連赴約襲我軍營二臣力不能敵捐軀沙場猶之死王事也一以勇決建績一以徘徊僨事然而臨難致命奮不顧身有足哀者今大兵既靖伊犁逆賊窮蹙逃竄不日獻俘二臣靈輦至京之日朕亦親臨酌奠並成是作雙烈云者蓋不如雙忠之盡善矣

昔有傅介子手斬樓蘭頭通權建殊績芳名播千秋況
乎統三軍既悉彼逆酋一武夫之力何事仍夷猶逡巡
大軍徹偏師五百留彼梟有密約入覲中逗遛八月廿
五日三處共一謀阿睦爾撒納來阿爾台阿爾將合其部
衆挈妻孥以逃叶是則預有旨其妻孥盡收厥阿巴噶
斯斷我軍書郵克什木巴朗伊犁逞劫偷兩路如期發
猖狂肆叫讟叶蜂屯更蟻雜不可從與梳叶二臣知不
敵全軍將內援而彼截歸路加以聚虬蟬巴朗謀致辭

權假為我述徐當備馬馳送之返皇州二臣怒唾罵天
朝無此媿効死視如歸背義生肯求奮旅更前進氣髮
衝兜鍪終知事不濟畢命飲屬鏤叶問罪重整師豈辭

雪載途

叶阿睦爾撒納叛後向謂事難成者皆以為不出所料伊犁卒不能平朕料叛賊陰險多詐其

得在此其失亦在此伊犁之衆不過一時附和終不能人盡從彼若少延緩則叛賊又將別生變詐反失事機

因正永常恒怯退師之罰急趣西路軍師剋

剋進勦旋於今春直達伊犁逆賊失據奔竄旋復定伊

犁脅從寬厥尤一二助惡者

謂阿巴噶斯克什木之流繫虜皆虔劉

渠魁竄異域王師奮遐搜亦聞哈薩克縛獻深同讐命

求二臣骨靈輿返首邱臨奠例雙忠惜哉淚湧流初若
聽我言寧有今日不忠於國有濟烈為己不渝叶究匪
貪生比使我悲心悠朱門歌舞輩青史文章傳我豈為
彼哉長歌旌乃休

舒布圖鎧巴圖魯奇徹布歌

千人萬人敵昔有亦惟能將資衆力一人奮勇敵二千
昔未前聞今始出其人曰惟奇徹布向為侍衛備宿直
去歲從軍監包沁包沁之人乃通賊厄魯特呼敵為包沁其司敵

人也上年正月其宰桑阿克詣爾率衆二千餘人來附
逆賊阿睦爾撒納之亂包沁煽動闕出卡倫為官軍所
破來圍其帳欲肆害奇徹布曾無懼色徐腰橐鞬手弓
箭出帳跨馬聲霹靂蟻聚叫譟羣近前應弦覆倒賊辟
易辟易復前恃其衆長槍火銃競相逼奇徹布且戰且
走得一柳林為障翼賊人圍之凡數重恐自傷無施銃
隙持槍人亦弗敢進進被箭死屍橫牖二千人各二千
心一人氣奪二千魄侵尋天暮衆西奔奇徹布歸奏殊
績賜金賜爵酬勤勞復請從師官宴息舒布圖鎧巴圖

魯神勇之名汝應得荆軻孟賁匹夫豪日月燭火光應
息我歌嘉爾豈徒然勗我八旗永為式

三巴圖魯歌

巴圖魯者勇冠軍昔我旗人頗恒有近世以來殊不聞
蓋因太平日已久歲寒松柏見後凋當春何以殊榆柳
邇者西鄙屬用軍折衝咸欲効奔走舒布圖鎧已超羣
三巴圖魯亦赳赳其一額納伸去歲伊犁從將軍將軍
使彼詢事因單騎逕入衆賊羣左支右屈箭斃數人知

事不濟拔刀自刎期報君其一巴寧阿

請作麻韻

倉卒亂時

將軍前後護衛相蔽遮發無不中中無不死殺人如麻
將軍遣之出巴寧阿曰朝廷命官偷生安往耶力敵視
將軍盡節然後伏劍義烈真堪嘉二人既死還復甦宰
桑巴磔得之壯其志養之數月我師再入方得歸軍牙
其一曰富錫爾將軍命之携印以出歸帝里其奈賊人
擁蜂更屯蟻料不能出將印沉之水力戰受創命垂盡
伊犁喇嘛救之得不死故賜額納伸曰卓禮克圖巴圖

魯卓禮克圖者節義卓爾永不渝賜巴寧阿曰昆都爾
巴圖魯昆都爾者力敵萬人暇有餘賜富錫爾曰哈布
台巴圖魯哈布台者穿楊貫石技不殊迴思去歲迅功
成亡矢遺鏃夫何曾不期小醜逆志萌未能除蔓我二
卿乃致沙場雙捐生亦我坐謀遙未精嘉我旗人多忠
誠舊風未遠垂儀型愉以為戚留定評乃至西海揚芳
聲

原大學士傅龍翰先生輓詩

拖紳避省視

前冬先生抱恙時朕親臨視比于病中恐朕軫念戒家人勿以聞及聞喪泣哭尚未

缺天

易簣慎初終自昔賜場歎從今融帳空儀型失老宿

啟迪憶童蒙未及詢楹奠於斯恨莫窮

賜山東巡撫鶴年

粵海甸宣久青齊治

平聲

撫掄嘉伊品聲聲為我收元元

坐鎮青油幕扈隨紫氣軒驅馳何足貴善政勉徐源

賜河南巡撫圖爾炳阿

連疆迎蹕路重檣問農田所幸歲非歉還欣雪被駢安

民惟擇吏樂後每憂先中土風猶樸斯宜正直宣

賜江南總督尹繼善

幕府山邊開幕府風規得似茂宏無保釐務佈兆民福
清蹕寧求一已娛靜柝久曾歷數省建牙今復鎮全吳
吏民相習休云易勗爾思艱莫漫圖

賜總河白鍾山

司河稱最久自是悉防修慎莫幸無事勉惟建遠謀況

經益新淤

上年河決孫家集致荆山橋淤淺上游積水入春未涸恐妨耕作亟命疏導

此實

厓深憂勗爾平成績紓予宵旰籌

賜蘇州巡撫愛必達

青齊障宿保吳下節新移民隱芻蕘達官方砥礪期允
當知有要寧止貴無私此地灾傷後惠鮮莫漫遲

賜閩浙總督喀爾吉善

海疆澤國久聲騰坐鎮宣風嘉汝能連率威儀今陶侃

一家父子昔韓宏

喀爾吉善之子定
長為貴州巡撫

行春惠化吾方攬

作雨平章民久稱供頌何須事華飾山川韶秀此邦勝

賜浙江巡撫楊廷璋

監司經久任自是悉民情要以能倡率寧惟貴潔清艱
難九年蓄生聚五方盈饑溺吾心切勤哉撫恤誠

賜貴州巡撫定長

迎鑒當入覲述職並寧親此意原嘉爾

定長奏請入覲
適當南巡欲因

迎鑒便中省其父略
爾吉善故許其來也

推恩詎一人

京中謂臣隨來者給
假省親省墓者多亦

不止定長
一人也

西南門戶固禮樂犗苗新撫遠惟安靜庶因

福及民



欽定八旗通志卷首之三

欽定四庫全書

欽定八旗通志卷首之四

天章四

皇上御製詩二

賜安徽巡撫高晉

江分上下各撫治簡劇因之寄任殊以汝慎勤應勝此
鳳廬其念洊災區

賜河道總督白鍾山

南巡江國周遭歷不使河干負弩朝嘉爾導疏合優叙
肯因小節課臣僚

二十一叔父慎郡王輓辭十韻

同庚亦契韻年少久相隨

膝下陪聞禮

床前領弄飴後來雖各學時復有聯詞

見樂善堂全集

及我

親機政惟

王合表儀

乙卯冬由貝勒晉封郡王

嘉言聞進牘碩畫見司旗

曾命管理

旗務

閒趣兼工畫清辭獨剩詩晚年務置醴

用杜甫語

雙鬢早

添絲都為

去聲

一兒棄遂教百事墮未能規子夏因與繼

孫枝

王早失子無嗣因命皇六子出嗣祀事

叔輩晨星在顧瞻寧弗悲

仲冬南苑大閱紀事

廿年一舉寧為數

乾隆己未大閱至今蓋廿年矣

周禮分明節候論便

設軍容示西域

時哈薩克布魯特塔什罕回人等皆令預觀

佇看露布靖堅

昆

邇日盼將軍兆忠喜音殊切於懷

好齊以暇千旃颭既正還奇萬礮

喧風日晴和士挾纊非予恩也摠

天恩

賜浙閩總督楊應琚

岱甸烏臺建銅邱幕府開節移閩海要人喜福星來三世封疆寄平生經濟材予心深所託元氣貴栽培

故大學士黃廷桂輓辭

華鐙廣樂正陳時扼擘驚聞辰尾騎

慈慶朝儀難並輟強酬節物淚雙垂

屈指軍興速五年儲胥事事合機先

凡軍需事宜有經朕先時規畫而傳

諭批示甘肅尚未奉到者及郵牘至無不適相脗合

豈惟良弼蒼生福痛惜摧心

敢問

天

馬利軍行粟賑民彌留兩事尚諄諄

遺疏內深以調飭馬匹及地方賑卹

諸務籌辦未竟為憾覽奏盡傷不忍終幅

鞠躬盡瘁今誠已葛亮而來此一

人

運籌力疾尚勞心驛館誰為下鵲鍼

時以督辦軍需赴涼州雖抱疴日劇

猶勉力視事邊地素少良醫經布政使蔣炳奏間即命
福隆安挈御醫前往診治甫行而惡耗遽至可勝慟悼
賜賻行將歸故里椒漿寫痛定親臨

封疆歷三十餘年公正廉明衆共傳

皇考時臣所餘幾鼻酸然復思愀然

故大學士黃廷桂靈柩至京親往賜奠

事繁食少赤星頰易簣諄諄餉務裁公謹卒官父子感
馬光還陝士民哀忍將巫祝先桃茢載共公卿酌玉壘
奪我良臣一何遽不教留聽凱歌迴

賜將軍兆惠書扇

火嶺炎蒸劇將軍未解鞍國威揚萬里臣節率三單贈

獎赤心篤持同白羽看黃香思漫引存問悉平安

兆惠
母年

高時遣
人存問

固濟爾巴圖魯瑞綽爾圖盡節詩

瑞綽爾圖者索倫侍衛員曾以血戰功因賜號旌賢

瑞綽

爾圖於乾隆二十一年冬隨大兵進剿阿睦爾撒納與哈薩克力戰有功特賜是號固濟爾何謂

敢勇能摧堅亦云其勇耳大節乃炳然兆惠定回城

哈什

哈爾驛章一一宣云有瑪穆特被回擄去年其人厄魯特

隨軍廝役焉將軍遣偵騎彼亦隨往旃

時將軍遣散秩大臣達什策楞

及瑞綽爾圖莫寧察岱屯等率兵百人前行捉生口瑪穆特莫寧察廝養也

忽被賊回遮衆

寡敵實難矢盡守空屋奮突揮以拳莫寧察戰沒岱屯

命亦捐瑞綽爾圖在傷重飲劍艱猝被生縛去至霍集

占前卓立唾賊罵裂髻髮衝冠巴圖魯侍衛豈懼爾狂

獠天兵今少至數萬繼進連以千敵爾萬汝滅踵不旋

霍集占乃怒持刀向頸剗其達什策凌同時遭繫牽霍

集占忿詈爾厄魯特人叶脣齒應相依何受中國官鐵
鉤鉤四肢其死最可憐是皆所親見飾語敢取愆徒以
無足數旦夕命苟延渠逃定回城乃復得見天兆惠間
此語既悅繼涕連悅以我有人涕以已所遣叶據實歷
詳陳痛淚不忍看心與帥臣同恩加寧惜駢瑞綽爾圖
旨勅部照陣亡例賜卹今悉其死事為齒睢陽張為古
英烈狀復命察其子嗣優加恩卹

常山顏古有今豈無詩錄其人傳

雙義詩

有序

副將軍富德至葉爾奇木既定回城痛去歲將士
之沒於王事暴骨沙場為之築墳表墓因以奏聞
蓋隨將軍兆惠力守者固已無恙而旁出捉生及
在途值賊者猝致捐軀實出逆料時則納木扎爾
三泰適以奉差而往遇難而殉此雙義之詩所由
作也夫雙忠戡亂於無形雙烈表節於有北今之
雙義亦復炳然此皆我八旗世臣與國同休戚者
在諸人含笑九泉已知世祿之必被而朕捫心午

夜奚啻手足之如傷用兵既非得已盡節豈所樂
聞且即此役而言非生擒二酋何以雪我三軍之
恨哉然既建大業寧免微疵即走卒厮養頗切同
仇則知我國家養養旗人萬年鞏固之基而非周
秦漢唐一興兵而天下騷怨聲載道者比此又
朕所深慶幸者夫

雙忠昔集事雙烈能忘身

二事皆見前集

茲作雙義詩其故得

細陳曰納木扎爾曾贊北路軍奮勇剪逆賊封伯酬其

勲

納木扎爾先以都統叅贊北路軍務曾擒喀爾喀叛逆青溪雜卜論功加封伯爵

副都統三

泰英氣頗超人均御前侍衛素悉厥忠純兆惠富德輩

從戎久効勤欲代俾將母

將軍兆惠富德母俱年高比歲領軍討賊故特簡二臣往

代之二臣被選掄去歲黑水役

事見前

固守遣索倫致信愛

隆阿權退催後援可支百日間速進莫遂巡

將軍兆惠等猝被賊

遮時愛隆阿拒河駐後將軍兆惠自圍中遣索倫二人間道傳語大兵未集可速迴阿克蘓俟後軍一齊進後

將軍及叅贊輕進徒俱焚當待師並來何慮狂狙信

時授

納木扎爾為靖逆將軍三泰為叅贊大臣爾時二臣者

之信兆惠已知之故亦令暫迴以俟後軍

馳驛往軍門過愛隆阿營却近黑水濱所遣人未遇礮
聲前忽聞知賊與我戰聞戰恥退奔徒攜百餘騎赴義
命同捐叶凶信驛遞來痛淚傷心魂使早知拒守退俟
熊羆羣同進可樹功何致均沉淪即先至一日合兆惠
軍屯亦可旋今歲奚煩以身殉叶不前復不後此實若
有神富德自和聞重至黑水津葉爾奇木降諸事粗處
分痛念我將士沙場化為燐黃頭雖不備掩骼權為墳
猿鶴昔屬幻邱隴今可循因以此事奏西望揮淚頻豐

碑旌墓門千秋西海垠捐軀固臣節在爾非所論在予
則何忍此恨終當伸夷考六人蹟事異心同均與國休
戚共寧止曰蓋臣史筆多訛傳永言傳其真

賜明瑞有序

叅贊大臣毅勇公明瑞以逆酋大小和卓木望風
先遁率前鋒銳卒往遮而賊徊間道通信逆酋遂
兼程走明瑞追及之於霍斯庫魯克以遠馳之旅
摧拒險之徒銜枚列隊者甫九百人鳴哨據梁者

且六千指而能折負隅之勢揚卷穽之風轉戰三
時辟易百里擒生斬級輜重畢收而將軍富德等
亦以兩城既定統師會勦逆豎計日可擒非其志
秉忠誠曷以功隆摧陷雖古名將孰克方茲爰賜
是詩以彰其績

世胄更勲戚少年能老成從軍俾習事屢戰得英聲適
以狂狙遁因將勁旅征欲遮先信漏不捨竟踪橫地利
彼雖擅人和我實勦騎惟九百到賊乃數千迎少卒勝

其衆勇還濟以誠勗哉俘二豎衛霍遜功名

將軍兆惠富德差乾清門侍衛來請安詩以賜之

數年萬里未為遙遙在將逢隔五朝却為勞儀待旋蹕

時將軍等凱旋近郊擬以二十七日上陵回程具儀迎勞如三秋念轉無聊

二月廿七日郊勞出征將軍兆惠富德及諸將士

禮成紀事

京縣郊南親勞軍

園壇陳

蘇謝成勲出師本意聊嘗試

西陲之役始以厄魯特諸台吉率衆款附請兵甚力

我喀爾喀牧圉勢不可以錯處滋患無寧及其鋒而偏師嘗試特計因其地以撫之故

舉行語具乙亥告成碑記茲準夷既平而回中諸部以次戡定實荷上蒼

宗社鴻庥非敢謂先時逆

覩及奏凱今朝備禮文釋甲弢戈罷征伐論功行賞策

忠勤膝前抱見詢經歷

國朝舊制凡出征將領成功還者行抱膝跪見禮以示優異今

即遵一瞬五年戚以欣行

同心萬里那睽違畢竟歡言賦采薇勇將歸來兼福將
黻衣著得解戎衣漫稱偃武修文日恐即嬉文恬武機

飲至寧誇暢和樂持盈益勵慎幾微

三月朔日御殿定遄將軍兆惠副將軍富德等率
成功諸將士朝謁詩以紀事

黃麾簇仗正衙排奏凱來朝樂孔皆脫劒釋冰搖玉佩
卷班按隊叩金階幸逢耆定干戈戢況值熙和風日佳
范士燮言予敢忘惴於保泰是長懷

大學士來保八十壽辰詩以賜之

八表黎貽弗祿增三朝禁近亮勤稱溫城過闕毋忘下

東海為閭知有興
矍鑠齊眉叶琴瑟
徘徊繞膝侍孫曾

皤皤元老多黃髮

時大學士史貽直亦年七十九矣

自是明廷大吉徵

壽五弟和親王五十壽辰

星臺太史報書雲
邸第佳辰瑞靄氛
體似吹葭氣方熾
算同刺繡線添紋
年齊遽使對尼父
詩例髯仙壽外君
挾藻謾稱鵲鵲頌
惟懷敬業昔同羣

賜山西巡撫鄂弼

旬宣此初任嘉爾副
予望出政宜除細移風
在獎良公

為衆官表儉是晉民長保障休輕視家聲勗繼芳

閱健銳營習武

健銳垂營制勤教子弟兵果然實效獲遂用大功成者
定敢因懈詰戎益致精簡良行賞遍弧矢亦親抨

昆明湖泛舟示尹繼善

泛舟昆明攜近臣繼善南來亦同舸忽然博古謂盛世
襲彼漢名似弗可笑而謂之意固佳黑土原非沿劫火

未聞神池自堯乎

皆見三輔黃圖

詎始茂陵劉郎那道古且置

言今時即云襲漢我不辭闢疆二萬里以外用兵纔閱
五載遲西海一帶皆吾屬歲歲入貢朝丹墀伊犁耕牧
日孳息烽火不作寧邊陲一狼千羊非所喻試問元封
能爾為

書筴頭賜駐守伊犁內大臣阿桂

典屬今時班定遠冠軍昔日霍票姚

阿桂於平回部時以歷戰奏奇捷今

統留駐伊犁兵循行諸部屯政撫輯合宜其勇決沉斷殆兼霍班之美

雪塗無藉持清暑

欲扇仁風萬里遙

賜兩江總督尹繼善

保障資三省忠勤著兩朝節樓無過久

尹繼善於雍正七年巡撫江蘇

旋兼節制歷兩江雲貴川陝諸重任而兩江至今凡三莅前後三十餘年

幕府獨稱超善得

軍民服兼能上下調暇還工作誦吉甫可同條

賜江南河道總督高晉

撫皖昔叅俎督淮今建旌

高晉昔為安慶巡撫時命為副總河俾習河務簡賢

我惟切盡職爾應誠兩世司河務

高晉高斌之嫡姪也

一心如水

清勦哉為國幹便是繼家聲

賜湖廣總督愛必達

荆襄資坐鎮江浙遠來迎曰有世臣蓋常懷報國誠清
勤課吏治疾苦達民情久靖苗疆術無過不擾行

賜閩浙總督楊廷璋

西粵昔開府南閩今建牙兼知亦舊制

閩浙總督駐衙
於閩兼知浙省

舊制也勝任得卿嘉政有羣黎感身無大嗟

廷璋年七
十三精神

尚健老成方倚賴調攝意須加

賜江西巡撫常鈞

百戰得歸身九歌出牧臣

常鈞於西師屢著功績凱旋壘擢至豫撫

無端泛

河洛有術免沈淪熟路輕車易

去秋楊橋漫口以胡寶琰素習豫省水利有旨

對調然方水注開封時常鈞督塞五門頗寓行師之律厥功甚鉅

賢勞體恤頻西江魚

米地休息且同民

賜安徽巡撫託庸

連疆來接駕咨政引同舟共濟義應繹勤宣業可修老

看身益壯人實食無浮虹宿被災地欽哉善恤凋

賜奠大學士來保輒復成詩

一世篤勤行

三朝禁近臣老成惜多謝

去歲大學士史貽直梁詩正半年相繼而沒

厚重

有誰倫那問生由命因知壽底真

來保壽至八十四歲

且看市廛

上應有輟春人

壽莊親王七十誕辰

吾叔長

上聲

吾十六歲於今亦屆古稀年近尊行裏無雙

老闔藩衛中有數

去聲

賢友愛深承

宗帝澤引教

平聲

迴憶

祖皇邊

康熙六十一年奉
皇祖旨令王教予鎗箭

由來齒德光朱邸恒藉

儀型福壽綿

臨協辦大學士尚書武毅謀勇公兆惠第酌酒

重坎昔已濟百年今忽消大星落昨夜密席尚前朝

日前

養心殿軍機大臣等同進朕謂宜就第攝養昨日兩命
御前侍衛挾醫往視稱小差今早巫問則已報逝矣

一痛嗟何及千勞憶匪遙恨無執手訣城闕鎖深宵

賜江南總督大學士尹繼善

綸扉昨已命和羹江國仍資扈蹕行明代稱賢必王守仁

石永漢家推盛則韋賢平當封疆幾處皆時望旌節卅
年獨老成亦識心殷依北闕待宣入閣贊樞衡

賜江南河道總督高晉疊舊作韻

東南稱澤國保障畀雙旌詎在工穿鑿惟應盡敬誠隄
堅幸黃刷口拓暢淮清年來清口宣洩之法高晉善體
壩為程不惜拆清口壩之勞費是以屢
年五壩不過水下河田廬並資利益
實爾推行善毋
須揚頌聲

賜湖廣總督吳達善

甘陝贊軍餉滇黔建榮牙兩湖俾治劇萬姓庶蒙嘉公

不和斯鮮

俗有湖北督撫常不知之諺或惑於形家之說以為地勢使然此謬論也蓋公豈有不和

者明期照莫差官方誠闡茸

湖北吏治自愛必達周琬以來因循欺蔽較各省為

劣茲命督撫諸臣力挽頹風

可弗意為加

賜閩浙總督蘇昌

楚粵曾宣績浙閩茲撫封外中久敷歷聲望益春容早
是心如水應知壽比松自當隨蹕輦奕葉本從龍

賜安徽巡撫託庸

又下大江來舟行許扈陪率因諮衆隱遂以訪羣材節
操古松似精神秋水哉恐妨悞程吏數日便教迴

坐天成寺樓得句命尹繼善和韻

石級高縈策馬登春山幕厯曉烟澄峯排兩闥爭輝日
澗轉千盤尚帶冰松較六朝還更古天懸一鏡不須鐙
寺樓老翰相攜坐問爾棲霞可得能

大學士尹繼善隨園因請詩走筆成什調之

久置馳生耳後風

過五旬後雖每歲行園然不
似向年御飛騎下峻阪矣

偶然蘭

阪驟雲驄雖拋射鵲五年閱

向喜射鵲幾暇常集侍衛等試射中的恒十之八九

自壬午以後因臂病不能如志弗為者五年於茲而馬射則仍縱送如常也

原屢中

去聲霞片

刻中

廿四日圍中發矢連斃五鹿廿五日行圍復殪其三尹繼善見之驚為神異因命其射一疲卧之鹿

則第三箭始著鹿身轉慶起帶箭而去

祇以賤良衆屬目笑稱馬步一張

弓

綠營不嫻馳騁馬弓之力率減於步弓遂有以馬步一張弓誇於衆者若我滿洲則馬射更為得力故其

弓較步弓尤強尹繼善久莅外任習聞綠營語因戲及之

隨園老翰催成什譎諫相

如同不同

題李世倬皋塗精舍圖

圖寫皋塗著壁懸偶來即景賞雲煙誰知常住舍中者

已閱人間二十年

是圖丁卯所作
逮今二十年矣

閱武

健銳練精旅香山聚隊居知方素嘉爾閱武便臨予所
尚赴桓實寧誇聲勢虛展伸佈行雁偏伍列麗魚撫壯

誠欣矣問勞尚憫如藉茲成偉績

前此平定回部時健
銳營士卒所至奮勇

先登屢奏攻堅陷
陣之捷遂成大功者定可忘諸

將軍公明瑞輓詩

蠻結之捷鼓勇進孤軍深入心牽紫屢催繼援竟弗援

額爾登額以泰贊統兵自旱塔沿途追迢屢經傳旨飭責撫臣鄂寧亦十檄進援木邦接應將軍彼並置之不

問債轅駕馬誠堪驚然猶因糧勦猛密計當兩路兵合

并誰料援師竟避賊

額爾登額既退惹貽誤致老官屯匪孽尾隨大軍伺隙又以猛卯一

帶多有賊蹤彼自生驚阻遂由內地繞至宛頂復怵怯不進

强弩末被魯縞輕蜂屯

蟻襍截歸路將軍體恤諸孱兵攜數勇士獨殿後不虞

中聲要害命傾

將軍公明瑞自大山移駐猛腊率衆擊賊連勝殲數千指以綠營疲病者多不

忍棄去令將領護行而身自殿後接仗臂胸被創竟致捐軀都統扎拉豐阿護軍統領觀音保總兵李全亦俱

陣歿 嗟哉捐軀因為國痛惜如失股與肱雙忠雙烈及雙

義

駐藏副都統傅清左都御史拉布敦以鋤克死事表曰雙忠而定北將軍班第恭贊大臣鄂容安為伊犁

賊黨所迫倉猝捐軀是為雙烈黑水之役恭贊伯納木扎爾侍郎三泰遇賊被害是為雙義 三逢斯

四何為情

大臣竭忠報國節義炳然罕覯茲後先婉績三而且四深用慨然

要當專祠

表勲績俾爾千古存如生恨緬事益難中止雪仇大舉

期功成

將軍公明瑞及領隊大臣都統扎拉豐阿護軍統

領觀音保靈櫬至京親臨奠醑即事成什

全師原是出蠻陬何事三臣命獨休

將軍公明瑞師次小猛育額爾登額

逗遛不接應以致旱塔木邦之賊并力邀遮時以營中病疲之卒誼難徑棄三臣矢志不肯輕還殿後接戰臨

陣捐軀

被阻稜稜恥生返捐軀赫赫永名留殿軍無愧孟

之反隕節同如趙慶州故里櫬歸臨奠酌酒杯釀盡淚還流

題弘旡畫翠巘高秋

千尋翠巘嵌丹楓秋色臨平想像中

石渠寶笈有王蒙臨平秋早畫軸上

等真蹟楊昇曾未見

款識仿昇筆法

精神直欲逼思翁

攜和親王遊山作

雨後春山恰好登，牽來御馬與同乘。
卅年前興爾應憶，七字立成我尚能。
莫負韶光繪如許，試看霜鬢點俱增。
偶然驟步休誇健，

近寺或步陟王稱健步能濟勝

許掾風流底足稱

閱武

自葺寶勝寺爰居，健銳營鋪敦恒藉。
是開拓竟因成，緬甸何無賴王師。
斯有征重臣奉命討，耆定貴先聲。

題李世倬畫

曾是臬塗命寫真林仍羅落嶺嶙峋獨憐盤礴為圖者
却已多年作古人

書扇賜經畧大學士傅恒

炎徼熾煩暑軍營區畫頻大端應悉記細務不辭親世
上誰知我天邊別故人勗斯風到處揚武並揚仁

經畧大學士傅恒奏報收撫猛拱土司賜詩示獎

猛拱輸誠舟濟師朱波早是失藩籬

猛拱土司渾覺遣其頭目脫猛烏猛

至騰越誠願備舟濟師比經畧大學士傅恒軍次戛鳩江夷目等已陳舟江岸遂由允帽寨口渡江今奏報八

月二十四日至南底河脫猛烏猛復率猛拱城長來迎
並艤舟河干待渡傅恒先遣領隊大臣公奎林統勁旅
五百往定其城俟後隊全至盛兵以蒞猛拱乃江外一
大部落緬匪恃為扞蔽今既收撫其地則彼之門戶已
失在我實操勝勢亦如平
準夷時之先取烏梁海也烏梁海譬先收附準噶爾斯

易掃夷身先

去聲

諸軍共辛苦心嘉碩輔佛肩仔秋霖中

喜瘴江渡已趨兵行兩月期

傳恒於七月二十日自騰越統兵進剿出關以後路

益崎嶇兼之秋雨地澤積潦甚深平時驅馬可涉之溪
非舟橋不得渡他人當之鮮有不畏難生阻者而傅恒
督率士卒結筏成梁且有橫一木於水面身先踐涉為
衆倡以此人皆感勵指顧集事雖當雨多漲盛之時我
軍安渡無滯據奏九月初十日計可至蠻暮與副將軍
阿桂會師即議分路攻取老官屯較前歲師期早將兩

云伊犂者定久戈殺詎緬昏狂事疥搔

西陲底定已慶戢索故於回部

獻俘時曾有從令更願無斯事之句實朕志也至緬夷僻在荒徼初未嘗有勤遠拓邊之意即其始作不靖尚不欲動衆聲討乃賊酋敢恃險遠抗我顏行且寬以一年待其悔罪仍冥頑負固此則國體所繫勢難中輟不得已用兵之苦心

上天實鑒之

昔實謀猷贊帷幄今資奔走効弓刀

東山那學謝安逸上蔡還過裴度勞佇待紅旗飛報捷

重開紫閣勒勲高

前此西師之役惟傳恒與朕同志獨贊成功曾於紫光閣圖形策勲列在

第一今以事鉅人少不得已命前往經畧乃勦勦備嘗茂績尤著佇大捷迅奏閭闔畫再標用彰懋賞耳

臨和親王府第酌酒永言誌痛

視疾起居執手詢旋間哀信達楓宸維屏維翰有為恃
斯邁斯征無更親弱質兒孫憐汝偕

高年妃母養

去聲

予申

裕貴太妃

居宮中今年八十有

二自難慰遣子當代為申養以頤

高年之志

一朝喪弟兼賢輔自顧何心慶六旬

臨大學士忠勇公傅恒第賜酌酒

瘴徼方欣輿病迴侵尋辰尾頓增哀鞠躬盡瘁誠已矣
臨第寫悲有是哉千載不磨入南恨半塗乃奪濟川材
平生忠勇家聲繼汝子吾兒定教培

賜山東巡撫富明安

承宣久佐方伯治安撫遂教幕府開能繼前規重本務

大學士阿爾泰前撫山東時董飭所屬專務實政於農桑水利諸事區畫周詳治行稱最崔應階繼之亦守而弗失曾諭富明安當一勤求諸吏舉清裁繁滋戶口誠稟成規而更勤於察吏

庶矣宜異古今其遠哉齊魯大邦小無數一人可具穎

陽材

賜兩江總督高晉

壤接因來輦路迎六年一日此丹誠防河積穀胥籌度

察吏安民屬老成省歲稔多原致喜

去歲江以南秋收均有十分高晉云

乃數年來所僅見

任官賢少輒為忤俞哉回任勤諸政豈在勗

勞扈蹕行

憶故大學士忠勇公傳恒用去歲臨第賜酌詩韻

去歲滇南力疾迴恰斯面晤憶生哀

傳恒去歲自滇南迴於天津復命迄

今一年餘茲復駐此追憶為之黯然

樸齋即景依然也前席言人何往哉

由古同為閱世客祇今誰是作霖材自憐無助涓埃者

後進方當竭力培

賜大學士高晉回兩江總督任用去歲賜詩韻

昨年曾晤路旁迎

去春東巡高晉以江省封圻毘接奏請來迎還任時曾賜以詩

黃閣

旋除鑒素誠

四月內尹繼善大學士缺出中外殊難其選以高晉敷歷有年服官公正即為簡畀

仍兼節

適以潦淤萃畿輔

去秋近京積雨較多永定河及北運河並有漫溢之處應

通行相度修治高晉素諳河務經理詳慎特令來京道便會同裘曰修及周元理悉心勘辦

召來相

度議平成南人望汝還為快北關惟茲別漫忤內外需材贊治理苦心簡任敢輕行

閱武

八旗子弟兵健銳此居營聚處

上聲

無他誘

初建健銳營於此掄八旗

勇壯之士居之以其地離京城遠無習俗外誘而列營聚處技易精勤平定西陲時用之頗著成效

勤操

自致精一時看斫陣異日待千城亦已收明效西師頗

著名

賜山東巡撫徐績

新疆宣力數年更

徐績由山東按察使進京命駐哈密辦事又調赴烏魯木齊前後凡三年

簡授齊東安撫行詎曰繭絲惟保障况茲路熟就車輕

小廉大法視斯率察吏安民篤以誠風土休言夙所悉

矜知則闇學知明

賜閩浙總督鍾音之任

海江保障寄儀刑弗動色聲措輯寧述職咨詢近前席
歸轅荏苒別明廷兩疆所部連康歲一路應知是福星
勗爾莫渝終始志昭昭原不若惺惺

臨故大學士傅恒墓賜奠

佳城咫尺蹕途傍蒞止因之酌桂漿已歷廿年次輔弼
又經三載隔陰陽先茲於汝應相恨後此顧予轉自傷

無忌昭陵雖有例那教賜奠痛文皇

賜伊犁將軍舒赫德

伊犁萬里撫軍民不比堂廉取旨頻此豈僅為保障寄
因之特用老成人固思舊侶歡常聚其奈嚴疆倚獨諄
食少事煩正何礙如斯我亦倍精神

詠題壁玉韞賜將軍阿桂

閨體誠資挽六鈞玉工琢作刻崖人漫嗤沙苑詩無謂
用方岳可識浯溪筆有神臂病多年疎射鵠心塵邇日
秋崖事

望書麟良球等度奚相稱合賜燕然勒績臣

書扇賜將軍阿桂六韻

掌握師行掄俊豪事無巨細一心操功成九仞尤應慎

志洽諸軍實所褒探路欲因乘怠隙

阿桂奏督兵進剿巴占賊人因係近

巢險隘悉力抵拒官軍屢攻未下茲於舊則大海山梁之西探有昆色爾喇嘛寺又西為章噶若由昆色爾將章噶占得則苗則大海拉枯喇嘛寺均已攔截其內賊自不能踞守屆時或順山腿下至河邊或涉水而西皆可繞出勒烏圍之南以斷其與噶喇依往來之路海蘭察親至其地審度情形統兵往剿約於初三四間即可奮力前進以我精銳擣彼空虚諒無不克云云所籌甚合機宜亟盼捷音速至攻碣直可壓危

撓我居避暑原無暑卿效賢勞真是勞嘉予七言錫書
扇凱歌三捷換征袍勉之指日親郊勞紫閣銘勲崇爵
叨

於郊臺迎勞將軍阿桂凱旋將士等成凱歌十首

郊臺仍是此郊臺何幸重修盛事來漫謂數年經契濶
精神注似日相陪

勲臣率拜列靈旗

郊勞之儀陳將軍叅贊等得勝蘇於
臺上朕親率成功將士及王公大臣

等行禮是時臺下
鳴螺銑歌樂作

軍士鳴螺赫武儀樂奏銑歌行抱見

拜纛禮成御幄次將軍叅贊趨至座前行抱見禮各
加撫慰賜坐賜茶猶循祖宗以來之家法也 詰
戎

家法萬年垂

己巳班師本受降

非擒賊滅寇故未行郊勞之典

庚辰郊勞典鴻龐放

牛歸馬予素志凱獻何期此見雙

準部回城定五年金川小寇亦如前嘉予將士久戢愾

不覺對之增惻焉

地險加之衆志堅

促沒逆賊恃其地險碉堅蟻衆齊心抗拒其事雖小於平定西域而逐步

力戰而得攻勦之艱
視前不啻數倍過之
林碣步步戰而前小於昔事難過
倍慰意恒因意憫然

鑿穴而居避火器終於面縛出蕃城

官軍圍攻賊巢用大礮四面轟擊賊

衆皆鑿地而匿以避礮火今鼠窟盡破逆酋膽落計窮
因率其弟兄甲爾瓦沃祿爾斯丹巴並其兩土婦及助
惡大頭人丹巴沃祿爾阿木魯綽窩斯甲尼瑪噶喇克
巴暨兩喇嘛並大小頭目二千餘人出寨跪捧印信乞
免誅戮遂貪生螻蟻固如此聚族將焚語豈誠先是投
悉就擒獲
僉稱聞逆酋等每言若官軍攻至巢穴窘迫無計即相
聚焚死不肯為官兵所得彼時即以番人之性最忌自
戕不過故作妄語欺飾以圖狡脫
屢諭將軍等嚴防今果不出所料

倏經于役五春秋棧道崎嶇似坦郵棧道雖險較之夾
路花紅復柳綠阿誰致悔覓封侯金川則坦途矣

脫却戎衣換吉衣龍章示獎特恩稀郊勞時將軍等俱

凱而還俾衆觀仰軍容之盛入朝後始解甲易吉服
將軍阿桂實為此事首功特賜四團龍補以示優異同

心戮力還擒最便解天閑賜六飛將軍阿桂及副將軍

並賜御用鞍馬乘以扈行

兵洗金川永不波潢池跋扈竟如何良鄉近遠多黎庶

歡喜都來聽凱歌

凱歌亦豈易為聞五歲辛勤勞衆軍我實未曾安五夜
幾多憂慮與平分

賜協辦大學士吏部尚書一等誠謀英勇公阿桂

六十壽辰

功高殊衆賜冠衣壽日充閭耀吉輝謀勇奏平定玉壘
歸來俾協贊黃扉六旬慶自今伊始廿四考當逾古稀

不說保全勗黽勉

嘗謂史稱宋太祖能保全功臣以為善事夫欲保全之是心中已先有一

彼將有過或我將疑彼之念非待臣以誠之道也君之與臣惟願其長享令名以宣猷佐理何必預設保全之

意哉名同郭令豈其非

閱武樓閱武因成六韻誌事

節前閱武甸場寬組練生光了弗寒可勿用仍要以備
不忘危敢恃其安新疆舊部茲同扈北路西戎許並觀

大兵平定兩金川以其地安營設鎮而令其餘各土司
分年入覲俾並懷德畏威茲初次舉行派定明正等十
八處土司土舍頭人共二十四員名命成都將軍明亮
攜以入朝與朝正外藩及年班回部並哈薩克使臣等
同與朝賀宴資遣於閱武樓閱武因命舊藩新部
及此次瞻謁之土司甲爾穆德沁等皆得與觀破險

衝鋒或經見

過年攻勦金川我八旗將士越險摧堅勇
銳百倍番衆等皆見而畏懾至若滿洲兵

行陣嚴肅簡練精強則其昔時所未聞見也

正旗堂陣俾初看銷兵氣共陽

和鬯訓旅心殷揚觀難示義方還頒禮賜

閱武禮畢所有在事之將

校兵衆等皆循例行賞

武臣莫重誦登壇

臨大學士舒赫德第賜酌酒

扈蹕將襄事中途忽永辭

聖母山陵大禮于廿五日安奉地宮後恭點

神主例應滿漢大學士各一員襄事因令舒赫德扈行乃舒赫德忽於十九日晡遽疾亟遣御醫診治以冀速痊不意其勢日加劇病中猶以欲襄廿五大典為悵悵至廿二日酉時遽爾溘逝聞之實深震悼失斯

佐惜矣屬我命逢其

今年正月遭聖母大故二月杪又有皇四子之喪今舒赫德忽

復病歿雖皇四子事關天性不能不傷而舒赫德佐予政務實國家得力大臣一旦失之痛惜尤甚此皆由今歲流年駁雜所致星命家言理或有之也中外力宣久絲綸心謹司老成漸凋喪觸緒總興悲

蘇爾相詩

差往緬屯因被羈

庚寅春因緬匪懇求解老官屯圍時曾有奉表還人納貢之說久渝不至

命雲貴總督彰寶遣人往詢而彰寶遽遣都司蘇爾相持檄往緬境乃匪目諾爾塔將蘇爾相羈於老官屯蘇爾相屢欲引決不得留彼八年丁酉春匪目得魯蘊願將蘇爾相送還稟致邊吏總督圖思德據以入告然不免露遷就完事之見為緬匪所窺復爾居奇翻悔而緬目縱拉機又從中掣其肘益致反覆遷延幸余預料圖

思德之才識拘淺非能任其事者因改令撫黔而調李侍堯代其職并命阿桂往彼相機籌辦二人措置得宜緬匪始知畏懼于四月廿七日差人將蘇爾相及其隨往之弁兵等送還內地阿桂等因訊錄他犯供詞以奏乃知蘇爾相在彼情事為之矜憫

今知悔罪送還為兵傳後實非佳也

事貴先聲信有之

緬地水土惡劣前此官軍至彼輒多染病且有死亡者實非可用武之地

故決計不復加兵昨歲平定兩金川受俘誅逆令所留緬目稱官猛等數人與觀皆惴慄敵疎不敢仰視因縱之歸稱官猛等遂於緬地傳述中國威武會緬酋惜駿已死其子贊角牙繼立頗知悔懼而得魯蘊等又深慮獲罪天朝終難安處因思表貢還人求許開闢通市其悔罪之心實由先聲所懾也

癘地瘴鄉憐

久汝冰天雪窖豈殊其設如比擬伊家武無子無妻謂

過伊

蘇武直未降匈奴如衛律李陵耳冰天雪窖噉雪餐
羶豈能度十九歲之久歸而為典屬國賜之二百萬
漢之獎忠不為不厚而李陵猶謂之薄蓋彼既降虜
所謂出婦無好辭耳至於娶妻生子則武故不得謂
之全人而亦令其噉雪餐羶以延歲月乎司馬遷所
云附青雲之士者史之美在此而史之病亦即在此
矣因用武事故並及之

觀護軍水技行賞

歲暮家家多窘迫例因水技沛恩施乍驚此日憑觀處

大興常年侍

覽時彩徹旌旗遵國制持仍弓矢耀軍儀

常年走隊時按八旗旗色

各負小旌與弓矢相間今歲因在二十七月之內盡徹旌旗惟令持弓矢習射云

習勞佈惠非

無事要即其中酌用之

閱水技本以歲暮行賞兵丁因令照常演肄定其等差而今昔

相形益覺悽愴

追復睿親王封號并復其宗嗣襲封予謚配享詩

以誌事

稽宗盟之軼事展親兼以褒功勳方策之遺聞申枉因而繼絕睿親王者屬本懿藩分居執政勤勞王室悲忱洵同姓之良綏定燕京偉績更諸王之冠顧以任隆見嫉亦或氣盛招尤履霜之釁潛積於多年戴盆之冤頓興於既逝指斂衣為左證理知所必不然肆羅織以深文獄甚於莫須有徒以衆怨之構成貝錦而執作爰書尚非

親政之年矯綸綍而竟從重典繫予恭披

實錄鑒王實有大勲當危疑推戴之時拒羣議而匡扶
沖主迨戡亂肅清之際迎

聖駕而肇建丕基且誠比列之諂諛勗以尊

君親上復斥同懷之愆戾加以義正詞嚴歷歷具存班
班可考緬其誠蓋皎如白日青天嘉乃壯猷允矣
信今傳後使果有不軌之志未嘗無可乘之機乃
貞心既矢於寢興豈逆跡轉萌於泉壤無端而暴

其罪狀每惻於中如是而坐以叛名宜昭其屈念
疇昔非由

親決弗嫌成案之翻為國家特叙成勞惟協公評之當
用是復其王爵仍教世襲茅封並為錄彼宗支咸
使列于

玉牒葺園寢而春秋祀享配

太室而殿廡筵班補列傳以連篇準易名之一字推

祖宗之恩意辨誣足勝金縢勉子姓以欽承守緒奚煩

鐵券爰成四韻並引長言

流言恐懼似周公公則生前王已終

睿親王之冤獄與周公之被流言相

似然公之受謗在生前故恐懼可以有待王則遭誣於身後故是非無以自明然予恭聞

實錄為之昭雪

較諸感風雷而發金滕者似尤光明正大耳

無倖位心真是睿有開基業孰

齊忠謚增一字非私惠論定千秋付衆同配食襲封推
祖澤睦親惇叙勗宗功

命仍稱禮鄭豫肅諸親王及克勤郡王原封爵號

并予配享詩以誌事

有序

溯維城於王室同扶有永之

鴻圖考列爵於宗盟各著非常之偉閥事在本朝為極
盛蹟皆前古所罕聞每以繹尋

實錄之文因有追叙成勞之典粵稽禮邸實惟讓王四
路分殲薩爾訥助揚

神武連營並克山海關奮厲師貞翊

聖明而特表蓋誠誅逆惡而不徇私義至鄭王屬居近

派蒙

太祖育自宮中初定平壤之盟旋鼓寧遠之勇遵化歸
化頻建豐庸松山杏山壘施勝算翦強藩而成一
統識裕先機膺攝政而疏千言監陳

前憲若夫論功之最惟豫尤超幼統偏師荷嘉名之

肇錫獨抒長策舉大勢以全規洎入燕京遂專閫節破
潼關而追流寇狂魄尋僵平江介以定中原游魂
自滅又如肅武親王之百戰稱雄而秦地恢城蜀
疆殪賊勲尤崇也他若克勤郡王之屢征奏捷而

降納朝鮮計圖明塞略更優焉是為同姓之股肱
名皆炳著並照當年之耳目人所艷稱乃日久而
舊號俱更雖世及而遺風幾泯爰命復原封之字
俾同竹帛以常新並教列配享之廟咸侑馨香而
弗替餘凡類似悉予詳求念櫛風沐雨之勞使徵
獻者知宗功之不朽比礪山帶河之永期襲次者
懷祖烈以毋忘用紀長歌並疏小引

貝勒讓帝如汝陽

最長而功德隆茂衆望皆屬

太祖

宗禮親王因作議書言紹承大統必得聖君始能戡亂
致治以成一統自顧德薄願共推戴

四貝勒嗣位

入朝適示諸貝勒大臣衆皆喜

從之

薩爾訥戰我

武揚

薩爾訥之戰禮親王同

太宗隨

推戴

沖主出丹誠叶不私子孫德尤彰

世祖嗣位時禮親王之子碩托孫阿

達禮曾謀立睿親王禮親王發其謀並誅之

宮中育養子姪行其名曰濟爾哈朗

叶

鄭親王為太祖親姪幼育

於宮中號戰功多矣難致詳同攝政亦抒謀臧遠取雲

貴見早強

鄭親王病劇

世祖臨問泣對曰臣受三朝深恩未能仰答不勝感痛惟願以取

雲貴滅桂王統一四海為念世祖為之幼領偏師大勦逆藩日後之謀果不出王之先見也

建績昂褒蒙

聖嘉錫美名

叶 豫親王幼統偏師輒有功太宗嘉之賜號額爾克楚呼爾直入

潼關賊奔商旋師平定江南疆功莫大焉策允良

王之戰功

甚多難以縷舉至其破潼關逐闖賊及平定江南尤其功之最著者也整兵入蜀肅親王

陣斬巨寇張獻忠

叶 悉平內地警諸羗肅親王射殲張獻忠並削除羣

賊平定陝西禮親王子智獨長克勤郡王為禮親王長子有謀勇濟以悃素

復勇往

叶

盟定朝鮮勦克襄

克勤郡王常同大貝勒阿敏及鄭親王征朝鮮克四

城諭朝鮮王李侖降時阿敏懷異志欲直趨朝鮮王京
侖挈孥奔逃其臣進昌君求和衆議許之阿敏不允克
勤郡王密與鄭親王定議駐師平山城遣使往諭侖報
命願歲貢方物遂許其降既盟告阿敏阿敏以未與盟
仍縱兵大掠勸之不聽復令恨未得與定北京叶克
侖弟李覺與阿敏盟乃班師

於崇德三年以疾薨于軍太宗聞而慟是皆巨擘
哭加以恩禮故未及與入關定燕京也

輝天潢與復舊號並配享叶其未及者付考章並教一

一稽宗盟叶其餘宗室諸王貝勒等有功績顯著
其封爵後經降奪者並命宗人府查奏雪

寬彰善示後覆

祖

宗恩澤予衍慶本支百世奕祺昌

過禮烈親王園寢賜奠因成六韻

朝家讓帝溯前聞

太祖上賓王於諸皇子中最長而衆望皆屬太宗王之子岳託

薩哈璘請從衆心推戴王曰此吾素志也乃作議書曰紹承大統必得聖君始能戡亂致治以成一統願奉

四貝勒嗣位入朝遍示諸貝勒大臣衆皆喜以告太宗乃

從之路便椒漿賜奠勤由潭柘至香山蹕路經王園寢因臨酌酒唐較寧王無

逼抗吳逾太伯有功勲烏喇平突陣如風捲王嘗從太祖征

烏喇布占泰率兵三萬以拒衆皆願戰太祖尚未欲加兵王曰我士飽馬勝利在速戰所慮布占泰不出

耳令彼兵既出平原曠野可一鼓擒也
太祖因命進兵王隨
太祖親覓陣大敗之遂克其城布占泰

遁走王復統精兵截戰又撫順攻城卜雨欣
天命三年敗之布占泰僅以身免
四月

太祖伐明大軍兩路進會天雨
太祖欲還軍王曰

天雖陰雨我軍皆有禦雨之具何慮沾濕且天降此雨

以懈明邊將之心使吾進兵出其不意耳是雨利於我

不利於彼也
太祖善其言遂進兵下撫順東州馬

根單三城及堡
寬甸勇而誅上將
天命四年二月明遣
經略楊鐫大發兵四

寨五百餘處
太祖率師親征王督兵於界藩山斬敵百

路人又敗明總兵杜松等於薩爾汗山又明總兵馬林營

尚間崖總兵潘宗顏營斐芬山互為犄角
太祖命

步兵接戰敵兵自西突至王即怒馬迎戰直入其陣遂

同諸貝勒大敗敵兵斬獲過半總兵劉綎由寬甸路來

犯
太宗督兵登岡衝擊王率左翼兵自西夾攻敵

衆披靡劉凌河恕以免監軍天聰五年八月我軍圍大

綏歿於陣

凌河城明兵來援距城十

五里而軍我右翼兵衝入敗之生擒明監軍道張春等

春見

太宗不跪

太宗欲誅之王曰我前此所

獲無不收養且此人既以死忠為貴奈何滅親大義棄

殺之以遂其志乎

太宗悅遂赦春

孫子

崇德八年八月太宗升遐世祖嗣位郡

王阿達里及貝子碩託謀立睿親王多爾袞王發

其謀俱伏誅碩託為王弟陪祀推恩展禮文

二子阿達里則其孫也

陪祀推恩展禮文

今年正月降旨以王

及睿豫鄭肅克勤諸王同配享太廟三爵不禁清淚落

祖宗遺澤逮初雲

閱武

城內移來火器營聚居訓練藝圖精

火器營兵向居城內隨八旗操演技

藝不能精熟癸巳年始于西頂北之藍靛廠度地建蓋營房移城內火器營兵之半聚處于此並派大臣董率之俾就近以時肄習衆兵既得訓練且省賃店之費較前已覺改觀紛華習令遠諸市賃餽費仍省衆兵子弟八旗廕教養本根百世示權衡五年一閱原非數入技熟因之命賞行

閱侍衛射

閱射闕戎詰班分侍衛官廿年曾未舉

不閱侍衛射二十年矣茲命每

日掄侍衛二十人校射於出入賢良門閱之按三旗次序輪閱一周

幾暇試觀看發矢旌

雙中

人發二矢俱中射侯者即賞以旌之

闔弓愧獨難

向閱射時必親射俾衆共觀曾

有發二十矢中十九者自臂痛以來久疎射事雖技癢而不能強為心甚歉然殿庭躬教衆芳

躅緬貞觀

賜奉天將軍弘昉

各省將軍駐奉天任最繁旗民紛雜處文武董雄藩用

簡宗臣俊同為

聖祖孫勗哉勤教養培此故風存

賜吉林將軍福康安

從征能奮武

福康安以侍郎命征勦金川奮勇著績錄其功授嘉勇男世爵列紫光閣前五十功

臣貳部亦通文知可棟梁任因教節鉞分迎鑾仍扈蹕

鑒悃匪嘉勤汝父家聲在

福康安為故大學士忠勇公傳恒之子

勉之尊

所聞

示盛京五部侍郎

陪京五部備官儀實各亮工有所司詎祇養高勝國似

盛京設戶禮兵刑工五部每部侍郎一人掌之凡盛京之事各視其職分屬焉非若勝國陪京備員虛設為授閒置散之地也亦常掄彥內朝移侍郎中遇才猷練達之人用之京部或外省督撫者皆有

之曹郎互半中兼外

年五部司官向用本處人員雍正五
皇考以各員素多串通欺

隱之弊概行撤回調補京缺而

命在京各部堂官

揀員發往補授乾隆八年幸盛京見各員頗知黽勉積
習亦經悛改今將各司員半用本地人員半由京員遷
調俾其不礙陞途乾隆十八年復諭吏部議盛京郎中

員外主事各缺用京員十之七
本地人員十之三以歸平允

臺職應全罷允宜
明季

兼設都察院官屬更無所事
事我朝盛京則不置此職也大異南京紛議論徒資撓

亂竟何裨

酌克勤郡王園寢

每陳開國策均合

聖人心

王戰功頗多且於天聰時陳奏善撫降人及請於山海關通州燕京三處急圖其一以定丕基

並請駐兵金州瞭哨諸事

太宗皆嘉納之

不少赴桓衆

獨嘉幹略沉佳城留故里致奠重躬臨彰善俾觀感伊

予此意深

王之後襲封者改為平郡王今春以開國勲藩爵延于世自應仍其初封之號俾襲爵者

顧名追念無忘其先人體國勲勞常懷効勉於訓示宗親有並曾命軍機大臣會同宗人府核議著為令

賜奠功臣揚古利墓

主吏勇過漢長孫陪似唐朔思同麥飯恩合奠椒漿百

戰英惟勝一心誠且良

揚古利以功授超品一等公世襲罔替公號曰英誠

兩朝勲績赫異姓獨封王

揚古利幼從其父來歸太祖深異之日見信任因

命入侍且尚主每從征伐必身先士卒 詔之止亦不止或受傷猶裹創行以故功績最多而著崇德初

隨征朝鮮誤中礮傷而死 太祖臨哭之慟親視含斂追封武勲王

賜奠費英東墓

來歸識超衆獨入目無前

費英東自少從太祖征討三十餘年身先兵士衝突

堅陣當其鋒者莫不披靡嘗從攻葉赫城上矢石雨下

太祖再命之退對曰勢垂危必不退也竟拔其城

嘉諭萬人敵

其從太祖伐明取撫順也明兵來援

馬大呼揮諸軍並進遂破之 太祖拊髀嘆曰萬人敵也

從征三十年薦賢獎以

豫劾惡誨於先

我

太宗嘗諭羣臣曰費英東見人不善必先自斥責而後劾見人善必先

自獎勸而後舉故被劾者無怨言被舉者亦無驕色未聞諸臣以善惡直奏似斯人也

開國思殊

績贈封理合然

賜奠額亦都墓

冠世稱勇獨丁年識

主真

額亦都

年十三手刃父仇避居嘉木湖村居數歲太祖過其地額亦都識為真主遂從行驍勇

善戰能以少擊衆所向克捷

太祖知其能日見信任嘗攻巴爾達城率銳先登跨堞而戰飛矢貫股著于

堞揮刀斷矢戰並力被五十餘創不退卒拔其城而還其勇果類如此

忠攄實異衆

恩顧亦超倫風雨精神會松楸碑碣陳元孫能繼勇亦

都元孫豐昇額襲果毅公爵昨為副將軍征勦金川奮勇著績嘉其克紹祖風於公號加繼勇以旌之惜因病

不能永年撫念為之嗟嘆

奕世有良臣

故大學士兼兩江總督高晉輓辭

本以修隄藉碩謨詎虞病不起中都

昨歲豫省漫口較
大非姚立德等所

能辨因高晉熟悉河防諭率諸工將備馳赴工所祇緣
董視堵築不意其忽邁沈疴歿于工所為之悼惜

下逮虧工屢

祥符之時和驛八堡及儀封之十六堡漫
口皆合而復開屢費工作今時和驛已經

堵閉堅實而儀封之工于膺月十八甫經合龍十九日
復又蟄塌引河亦復淤淺仍須挑濬為從來築河所未

見高晉蓋因績久弗成憂慙致疾

更值債輅敗事殊

高晉之姪高樸在葉爾羌勒索回人

珍寶並借開採密爾岱山玉為名以牟已利苦累回衆若非及早敗露幾至釀成事變已屬罪不容誅甚至串通奸商違家人同其私販玉石至蘇州售賣得價鉅萬實出情理之外其家人過江寧時曾持高樸稟與高晉候安高晉並不詰其赴蘇之故轉徇其請給與回程護票殊不類高晉所為因傳諭詰責高晉慙怖引罪自覺無顏病遂因而日積使如是而不知愧慙又不成其為高晉矣

漠不關心豈卿也愁因

致疾究忠乎考終入祀夫何恨

前據袁守侗等奏高晉疫嗽咯血經久不瘳漸

致不能眠食病頗危篤因遣太醫院堂官陳世琯令乾清門侍衛布彥達賚偕其馳驛往視并諭高晉加意調養戒勿力疾親赴工次以冀速痊昨高晉自奏服藥相投已能進米飲知穀味茲忽據袁守侗等奏報高晉於

此月初六子時氣脫而逝為之嗟惋不置高晉秉公持正察吏惠民為督撫中傑出者即其嫻於河務一時亦罕有其匹深惜失此得力大臣且念其勤勞王事詔入祀賢良祠並遣侍衛前往奠醊復其生前降輦處分并予卹典飾終之禮備至
高晉亦可以無憾矣 寧識懷賢痛惜吾

懷舊詩二十三首 內錄十二首

三先生三首 內錄一首

龍翰福先生

先生名福敏康熙丁丑翰林

皇考在藩邸即延其課予弟兄讀雍正初巡撫浙江還

湖廣總督嗣以撫浙時過愆罷歸未幾復起用洊
歷左都御史余踐阼後優禮之尋授大學士先生
服官政績無所表見而方正嚴憚且能多方誘迪
於課讀為長余初就外傳始基之立實有以成之
故每追念不置云

今古既殊宜其教亦異施古方教數

去聲

年今為出閣時

出閣讀書明季諸臣常爭之我朝
法皇子皇孫無不六歲就外傳讀書者

家

憶半舞勺歲

六歲時也

皇考掄賢師即從師授經詎惟習少儀循循既善誘嚴
若秋霜披背誦自幼敏匪曰詡徇齊日課每速畢師留
為之辭余幼時日所授書每易成誦課常早畢先生即謂余曰今日之課雖畢曷不兼治明日之課比
及明日復然吾弟和親王資性稍鈍日課恒落後先生
則曰弟在書齋兄豈可不留以待之復令予加課俟其
既畢同散彼時孩氣未嘗不以為怨今思之則實
有益於已故余所讀之書倍多實善誘之力也 以此
倍多讀胥益平生資誰知童時怨翻引老日悲不失亦
子心能無繾綣思嗚呼於先生吾得學之基

五閣臣五首 內錄三首

故大學士鄂爾泰

鄂爾泰康熙乙卯舉人官內務府員外郎

皇考素知其名

登極初

特擢江蘇布政使遷雲南巡撫尋晉雲貴總督兼轄廣西經理三省苗疆改土歸流其績最著餘亦多惠政所在吏民德之雍正九年授大學士

召還入閣辦事並軍機大臣余踐阼後深加倚任乾隆

十年卒於位遵

遺詔配享

太廟入祀賢良祠鄂爾泰性嚴正且鎮靜有古大臣風

誠亦不可及已

業師祇三人其三情向剖

謂徐張嵇見
三先生詩

皇考重英賢率

命書房走鄂

爾泰
錫廷

以閣臣蔡珽

法海

列卿九胡

煦

顧

成劉統
天劉統
熟梁詩

正任啓

邵基

戴瀚

來先後其時學亦成云師

而實友不足當絳帷姓名茲舉偶鄂其中巨擘內外勤

宣久初政命總理

初即位時循例置總理事務王大臣四人莊親王果親王鄂爾泰張廷玉

皆中所有人也

遺詔顧問備左右具瞻鎮百寮將美惠九有好

惡略失尚性陽陰則否遵

詔命配享旌善垂不朽

故大學士一等忠勇公傅恒

傅恒為滿洲勲戚世家

孝賢皇后親弟也初由侍衛侍御前旋授內務府總

管擢侍郎為軍機大臣遷尚書協辦閣務乾隆戊辰經略金川晉大學士兼程統兵進剿莎羅奔即卡聞而怖讐款服乞降以功封一等忠勇公西師之後與余同志襄贊軍務克成大勲圖畫紫光閣功臣列第一及緬甸逆命傅恒堅決請行己丑春授經略率勁旅往討自隻鳩濟師以後身先士卒艱瘁備經遂收服猛拱所至獲勝進攻老官屯時已染沈疴猶復力疾督勦逆酋畏懼懇請解圍而

余亦因其地水土惡劣豫降旨撤兵庚寅春還朝
病日危篤至七月中遂不起余親臨賜酹喪儀視
鎮國公入祀賢良祠傳恒在綸扉二十三年日侍
帷幄蓋誠素著顧年未五旬鞠躬盡瘁喪我賢臣
每念及傷且惜焉

世臣更近戚丹誠素所信命之習政事幹材亦日進金

川往經畧旌旗改觀奮

金川莎羅奔即卡小醜陸梁初非難治而督臣張廣泗措置乖

方老師玩寇致鼠革勢並鴟張及遣詢親前往董辦又復畏蒞偷安憚於臨敵以致績久弗就因各治其罪命

傳恒率師經畧親履行陣連克堅碉壁壘一新遂擒戮奸渠梁爾吉逆酋聞而喪胆始悔罪乞降然其

時其勢未宜深入迅郎卡既怖讐特許歸降順即卡窘迫投誠

傳恒尚欲進兵不允所請余察其時勢祇可如此藏事乃詔許受降即令班師凱旋贊黃閣章

服三錫晉傳恒既成功賜以紅寶石頂金黃帶四團龍補以示寵異其後獎賜首功如兆惠等皆視

以為西師兩用兵同心却衆論坐謀無不協用藏大功

建其後征緬甸力請往抒蓋猛拱既收服官屯進圍困

祇以水土劣兵後多病頓值彼悔罪請爰撤師旅振傳恒

攻老官屯晝夜不輟期在必克逆酋畏懼願納款懇請解圍傳恒却勿許然余念瘴鄉水土惡劣又聞軍士多

病不宜久居其地先期諭令撤兵傳恒始然因受瘴深奉命還比歸而病入膏肓不可救矣惜哉

兼悔隳功悶遂以永辭世飾終典空縈嗟我社稷臣所

期寧在近年少長

上聲

於余騎箕惜且恨

故大學士來保

來保侍

皇祖二十餘年歷官一等待衛

皇考時改內務府總管余即位授尚書六曹俱遍乾隆

十二年擢大學士為軍機大臣二十九年卒於位

入祀賢良祠來保性端謹年躋大耄神明不衰老
成之度足為庶寮矜式每詢以康熙年事娓娓可
聽而於

巡幸行圍諸典尤悉蓋其在

御前最久也善相馬余嘗作歌以賜亦其餘事之足稱
者

初供批本職後充侍衛護弓矢固所習慤勤更其素止
進恒有常不失尺寸處游陞掌內府亦久蒙

恩遇因命長部曹旋贊絲綸布更踐既已深老成遂獨
許叶雖無赫赫名却有休休度讀書通大義萬石猶後
步



欽定八旗通志卷首四